

馮自由著

華僑革命

史話

于右任



正中書局印行

馮自由著

革命黨之組織

俄史話

于右任



究必印翻



有所權版

版初臺月六年三十四國民華中
版二臺月三年三十六國民華中

話史織組命革僑華

角肆 價定本基 冊一全

(費滙費運加酌埠外)

由 自 馮 者 著 編
潔 李 人 行 發
局 書 中 正 刷 印 行 發

號十二路陽衡市北臺灣臺
(號二十段一路昌南市北臺遷暫)

司 公 書 圖 成 集 銷經總外海
(下地號三五—街衣洗角旺龍九港香)

店 書 風 海
(地番六五目丁一町保神田神區田代千都京東本日)

目次

上編 興中會時期

檀香山興中會	二
香港輔仁文社	四
香港興中會	五
橫濱興中會	六
南非洲興中會	八
橫濱兩俱樂部	九
橫濱文經商店	一〇
臺灣興中會	一二
橫濱華僑學校	一二
橫濱中和堂	一三
香港中國日報	一四
橫濱開智錄	一七
橫濱廣東獨立協會	一八
橫濱支那亡國紀念會	一八

香港和記棧	一九
香港世界公益報	二〇
越南河內興中會	二一
檀香山興中會之復興與隆記報	二二
美洲洪門致公總堂	二三
舊金山興中會	二五
舊金山大同日報	二六
南洋中和堂	二八
香港廣東日報	三〇
新加坡圖南日報	三〇
香港有所謂報	三二

下編 同盟會時期

緬甸仰光新報	三三
香港同盟會	三四
新加坡南洋總匯報	三八
暹羅華暹日報及同盟會	三九
新加坡同盟會	四〇
越南西貢堤岸同盟會	四三
香港東方日報	四三
檀香山民生日報	四四
檀香山自由新報	四五
英屬七洲府同盟會	四六
香港少年日報	四八
雲高華華英日報	四八
新加坡中興日報	四九
新加坡三大書報社	五〇
越南河內同盟會	五一
緬甸仰光同盟會	五三

仰光光華報及進化報全編公報	五六
南洋荷屬同盟會	五八
香港時事畫報	六一
美國同盟會	六一
檀香山同盟會	六六
新加坡星洲晨報	六八
加拿大政公堂及大漢日報	六八
加拿大同盟會	七一
香港金利源藥材行	七四
舊金山少年中國晨報	七六
菲律賓同盟會及公理報	七七
澳洲警東新報及民國報	七七
香港支那暗殺團	七九
祕魯國利馬埠民醒報	八二
新加坡南僑日報	八二
美洲洪門籌餉局	八三
南洋及美洲革命黨之歸國參政代表	八九

華僑革命組織史話

上編 興中會時期

1

次。

中華民國之肇建，以海外華僑協助之力爲最鉅，自孫中山先生甲午年（民國前十八年）首創興中會，以迄辛亥革命成功，幾無一役不倚賴華僑之資助。近人有警語云：無華僑卽無革命，誠確論也。余幼居日本橫濱，十四歲卽以父命訂盟於興中會，二十二歲充任香港中國日報及美洲大同日報駐東記者。二十五歲充任香港中國日報社長兼同盟分會會長，與海外各埠革命團體及主要黨員均有密切之關係。就中經過無數之毀家紓難及變產從公之種種大小事實，忠義壯烈，可歌可泣，表而出之，大足以廉頑立懦，而振作國人抗敵衛國之勇氣。爰舉所知，編列爲上下二期從孫先生運動革命初年至民國前七年乙巳夏季興中會末期爲上半期，從乙巳年秋季中國同盟會成立至辛亥革命中華民國成立爲下半期，凡華僑革命黨所設立或活動之大小組織，如黨會書報社報館書局歌劇團商店農牧場旅館輪船等類均屬之。茲分別紀載如

檀香山興中會

檀香山爲興中會最初之發源地，亦爲總理幼時之讀書所，甲午年（民國前十八年）夏秋間，中日二國以朝鮮東學黨事件勢將構衅，時局緊張。總理因至天津上書直督李鴻章，條陳改革，爲鴻章所拒，知滿清政府積弊重重，無可救藥，非澈底改造，決不足以救亡，遂於是歲秋冬間自上海重遊檀島，擬向舊日親友集資回國，大舉革命。總理少在檀島耶教學校肄業，同學及故舊至衆，其兄德彰（原名眉）字壽屏，爲夏威夷茂宜島大畜牧家，交遊甚廣。總理蒞檀後，先赴茂宜牧場就商於乃兄，德彰首贊成之，且劃撥財產一部爲助，更致書檀島親友爲之先容。其時華僑風氣尙極閉塞，聞總理有作亂謀反言論，咸謂足以破家滅族，雖親戚故舊亦多掩耳驚走。經總理多方遊說，奔走月餘，僅得同志數十人，冬十月間假卑涉銀行華經理何寬宅開第一次會，總理爲主席，蒞會者有何寬李昌鄧松蔭（後易名蔭南）鄭金黃亮黃華恢鍾木賢劉祥劉壽鍾宇曹采李多馬李祿劉卓程蔚南許直臣卓海宋居仁陳南鄭照夏百子李杞侯艾泉林鑑泉等二十餘人，卽由總理提議定名爲興中會，並草撰章程十條，規定以振興中華挽救危局爲宗旨，衆皆贊成。旋公舉永和泰號司理劉祥及何寬爲正副主席，永和泰號

司賬黃華恢爲管庫，程蔚南許直臣爲正副文案。李昌鄧蔭南李多馬李祿黃亮鄭金等爲值理，章程內載每會員須繳會底五元，另設銀會，集股舉辦公家事業，每股科銀十元，成功後收回本利百元，文中尙不敢明言籌餉起兵字樣，以免會員有所戒懼，蓋其時華僑尙多不脫故鄉廬墓思想，懦懦於公使領事之藉辭搆陷也。會畢總理復令各會員填寫盟書，一一舉手向天宣誓，如儀而散。其後陸續加盟者有楊納等九十餘人。是月二十七日（陽歷十一月二十四日）開始收取會員會底及銀會股銀，經十數日總數所得美金千數百元。總理以事機日迫，急於返國，而所集錢之數，殊不敷大舉之用。爲是焦燥異常，德彰聞之，乃更以每頭六七元之價，賤售其牛牲一部，以充義餉，鄧蔭南亦盡變賣其商店農場，表示一去不返之決心，總理計算所得約合港幣一萬三千元，遂於十二月初束裝歸香港，同志先後回國參加義舉者，有鄧蔭南宋居仁夏百子陳南李杞侯艾泉等數人，是爲乙未（民國前十七年）九月廣州首次倡義之導火線。惟檀島各黨員實力多不充厚，或經營小商，或開設小農場，於總理歸國後，即不能有所接濟。總理於乙未秋廣州失敗後，是冬重赴檀計劃籌款再舉，諸同志皆無以應之，故總理不得已乃有美洲之行。

香港輔仁文社

輔仁文社者，香港僑商有志者所組織之小俱樂部也。成立於民國前二十二年庚寅（一九〇〇），其時去中法甲申（民國前二十八年）之役未遠，國人漸知滿清政府之不足恃，及研究新學之必要。港僑中遂有福建海澄縣人楊飛鴻（字衢雲）廣東開平人謝讚泰（字康如）二人聯絡有志者劉燕賓陳芬黃國瑜羅文玉胡幹之周昭岳等十六人發起輔仁文社以開通民智討論時事爲宗旨，是爲港僑設立新學團體之先河。其開會地點，最初假劉燕賓所辦之炳記船務公司爲之，至壬辰年（民國前二十年）二月十五日始明設會所於百子里第一號二樓，此社內容僅在多購置新學書報以開通民智，尙未含有政治上之激烈性質，然是時風氣仍極閉塞，聞者僉以洋化二字譏之。且時不免香港警吏之窺伺也。衢雲爲人仁厚和藹，行俠好義，尤富於愛國思想，嘗任香港灣仔國家書院教員及招商輪船公司港局書記長等職。時充任沙宣洋行船務副經理，於壬辰年始漸與總理相識，一見如故，時爲總理在雅麗士醫學校最後修業之一年，故該校時有衢雲之足跡。及乙未正月總理自檀島歸抵香港，謀擴大興中會之組織，親訪衢雲，約其合作，衢雲欣然從之，輔仁文社社員加入興中會者，衢雲以外，尙有謝讚泰周

昭岳等數人。

香港興中會

乙未正月初旬 孫總理自檀香山返抵香港，即召集舊友陸皓東鄭士良陳少白楊鶴齡尤列諸人，擬聯合各地同志擴大興中會之組織，以利行進，因素知輔仁文社社員楊衢雲謝讚泰等平日宗旨相同，遂與接洽組黨事件，衢雲等欣然贊成，港僑於初期陸續加入者，尚有黃永囊周昭岳歐鳳墀余育之徐善亭朱貴全丘四等數十人，籌備既竣，即於是月下旬租定中環士丹頓街門牌十三號爲總會所，榜其名曰乾亨行，旋於二十七日開成立大會，會名仍稱興中會，凡入會者須一律舉手向天宣誓，其誓詞曰：『驅除韃虜，恢復中華，創立合衆政府，倘有貳心，神明鑒察』。會所成立後，衆議決定在廣州尅期大舉，推定 總理駐廣州專任軍事，鄭士良陸皓東鄧蔭南陳少白等佐之，衢雲駐香港專任後方接應及財政事務，謝讚泰黃詠襄等佐之。二月二十日復議決挑選健兒三千人，由港乘船至廣州起事之策略，陸皓東提議用青天白日旗以代滿清之黃龍旗，亦於是日通過。由是 總理遂於廣州發起農學會以爲進行機關。粵垣官紳列名贊助者數十人，故無人疑爲挾有危險性質者，是秋七月各方運動將次成熟。衆以乾亨

行漸有暗探窺伺，遂於是月初八日撤消之。八月二十二日衆以發難在即，始投票選舉主席，名之曰伯理璽天德，此職卽起事後之合衆政府大總統也。時會中分孫楊兩派，衢雲要求此席甚力。總理不欲因此惹起黨內糾紛，表示退讓，力誠士良少白等勿與競爭。結果此席爲衢雲所得。九月重陽之役既敗，事詳余著『中華民國開國前革命史』不贅，香港大本營全體瓦解。至己亥（民國前十三年）冬，總理自日本派陳少白至港，發刊中國日報爲與中會宣傳機關。十二月湘人畢永年與哥老會龍頭李雲彪楊鴻鈞張堯卿辜天佑等有聯合各省祕密會黨，奉總理爲大首領之議，衢雲聞之，乃向衆辭與中會主席一職。並荐總理自代，未幾與中三合哥老三會各派代表在港開會，同舉總理爲總會長，並特製總會長印章，由日人宮崎寅藏齎往橫濱，上諸總理。庚子（民國前十二年）夏秋間，與中會復策劃廣州惠州之軍事，因之黨務亦大形進步。及八九月間鄭士良鄧蔭南史堅如等相繼失敗，衢雲且被清吏派人暗殺，與中會元氣大傷。黨務殆陷於完全停頓，祇餘中國日報尙能發揮正論，日向清廷及保皇黨徒作堅苦之奮鬥而已。

橫濱興中會

橫濱華僑在甲午冬，孫總理自檀島返香港過境時，已與之發生關係，蓋總理於船泊橫濱期間，曾在舟中向歸國僑胞演講逐漸救國，為該埠售物行商陳清所聞，陳以報告僑商馮鏡如馮紫珊譚發等。馮等即派陳重登該輪，邀總理登陸商談國事。總理謂該船開行在即，不便登陸，授陳以興中會章程及討滿檄文一大束，令轉交馮等照章設立分會，且謂廣州不日起義，陳若有意參加，可到香港投效等語。馮等得陳歸報，遂召集少數同志為組織之預備。乙未九月廣州之役既敗，總理偕陳少白鄭士良二人，亡命至橫濱，首訪鏡如于山下町五十三番文經活版所，文經為經營外國文具及印刷業之商店，馮氏開設三十餘年，在僑商中藉藉有名者也。孫馮相見，有同舊識，遂由鏡如約其弟紫珊及譚發（奮初）梁達卿黎炳垣（煥墀）趙明樂趙峯琴溫遇貴等十餘人，在文經號二樓會商組織興中會事，衆舉鏡如為會長，趙明樂為司庫，趙峯琴為書記，紫珊炳垣譚發等為幹事，半月後復設會所於山上町一百七十五番，繼續加入者尚有溫芬（炳臣）鄭曉初陳才陳和黃焯文陳植垣馮懋龍（後易名自由）等十餘人，以懋龍為年齡最少，時僅十四歲耳。是時旅日華僑尙多目革命排滿為大逆不道，故會員咸有戒心，每次開會通知書，皆不欲假手于日本下女，概由小會員馮懋龍分別派送。冬十二月總理決意遠遊美洲，擬向華僑籌集巨資，為捲土重來之計，因向各同志商借五百元充

旅費，詎各同志多以有心無力對。趙明樂且辭退司庫一職，鏡如紫珊兄弟二人乃合籌五百元以應之。總理乃以此款百元供少白斷髮改裝之需。另以百元給鄭士良，使回港收拾餘衆，以備再舉。然後隻身再渡檀島。迨總理離東後數日，少白乃遷寓文經商店，佐鏡如編輯華英字典，已而各會員供給月費者漸少，鏡如少白等以經費無着，乃將會所取消，凡有會務均假文經商店二樓開會決之。越三年戊辰（民國十四年）春，總理自歐洲東歸，時會員廖廖，建黨勢毫無進展。先是丁酉（民國十五年）秋間，僑商鄭汝磐馮鏡如等？集會于中華會館，建議設立中西學校，以教育華僑子弟，公請興中會推荐校長，陳少白特荐上海時務報主筆梁啟超任之。時康有爲以啓超有事不能兼顧，改荐徐勤承乏，並代改校名曰大同學校。徐勤既至橫濱，爲康黨培植勢力，所聘教員皆屬康門徒侶，大都出身科舉，長於文學，其交際手段遠在革命黨之上。故自大同學校成立之後，興中會勢力日漸衰退，會員中能宗旨一貫歷久不變者，寥寥數人而已。

南非洲興中會

楊衢雲於乙未重陽廣州一役失敗之後，即漫遊越南及南洋群島、印度、南非洲各地，曾

在南非洲之約翰尼士堡及彼德馬尼士堡兩埠設立興中分會，得同志黎民占霍汝丁王熾王進陳妹何熾馬子方馬康何益江均何禧梁伯佳等數十人，經衢雲熱烈宣傳，會務頗形發達。丙申十月，衢雲揚言將回國起義，衆醞金助之，民占且賤售其商店事業從行。及至香港，衢雲以港地不能立足，遂之橫濱，以教授英文自贍。民占居港日久，旅囊告竭，竟鬱鬱以終。嗣後南非黨員皆寂然無聞，獨有約翰尼士堡埠黨員霍汝丁（字勝剛）於民初返國，曾投資於李箕所創辦之江南福羣實業公司。後數年，復開設萃文書莊於香港荷理活道六十號，專經營書籍文具事業，該店至今猶存，南非洲興中會史事，獨此一人知之。

橫濱兩俱樂部

當橫濱興中會成立之年，該埠華僑工商界有兩小俱樂部，與興中會略有關係，一名三餘軒，乃商人馮鏡如馮紫珊盧桂園黎炳垣梁達卿等數人所組織，會員僅十餘人，孫總理陳少白楊衢雲等居東時，每晚恒至軒中聚談，或瀏覽書報，此爲僑商團體中之比較開通者。丁酉年秋，橫濱華僑發起募捐建立學校以教育子弟，卽由三數人在三餘軒閒談中決定者也。一名修竹寄廬，會員數十人，多屬商店及洋行職員，其主要人爲梁麒生（文經商店書記）關谷聲

(某洋行買辦)溫芬(某洋行職員)梁樹南(某英人飯店買辦)等，分子雖較複雜，但服務洋行者多豪爽，放言高論，毫無拘束，故總理等尤樂與親暱。戊戌年春楊衢雲自南非洲抵日本，未幾總理從倫敦東歸，以衢雲於乙未九月廣州一役貽誤機要致敗，特約至某密所面責其罪，衢雲俯首無辭。當日所約會之某密所，即修竹寄廬也。其後梁麒生等返粵，每過香港時，陳少白常招待之。

橫濱文經商店

文經商店又名文經活版所，開設于橫濱山下町五十三番地，專營外國文具及印刷事業。在乙未十月總理蒞日時已開設三十餘年，店為廣東南海人馮鏡如所創立，鏡如誕生地在香港，故有英名曰「Kingsell」譯音曰經塞爾，實由鏡如之「鏡」字粵音轉變而成，在英文本無意義，惟分析解之，則為售王，似可解作出售帝王之義，外人過者見其門首高懸經塞爾公司之金字大招牌，引為奇特，多注目視之。鏡如祖先在粵世業儒醫，至其父展揚，始在香港改業搬遷，旋以結識太平天國駐港將士回粵策動軍事，被清吏以「紅頭賊」罪案逮捕下南海縣獄年餘，卒瘞死獄中，鏡如自是抱恨終天，隻身東渡求活。生平疏財仗義，排難解紛，頗

得僑衆信仰。甲午中日構衅，清廷喪師辱國，鏡如積憤填膺，毅然剪除髮辮以示決絕。時旅日華僑無去辦者，有之自鏡如始，故華僑咸以「無辮仔」稱之。是年冬，總理自檀香山返國，船過橫濱時，向同舟華僑演講逐漸救國，鏡如據售物商陳清報告，即派陳轉請總理登陸共商國事，總理謂舟行在即，無暇赴會，即交陳與中會章程一大束，使馮等在日設會進行。乙未九月廣州一役失敗之後，總理亡命日本，首訪鏡如于文經商店，即以此爲因緣也。嗣與中分會成立，總理携來宣傳品二種，一爲揚州十日記，末附史可法及多爾袞二人往還書札，一爲原君原臣篇，即黃梨洲著明夷待訪錄之選本，均由文經商店代印萬卷，分送海外各埠。及總理赴檀，陳少白乃移寓文經二樓，助鏡如編輯華英字典，卽三十年前盛行海內外之馮鏡如華英大字典是也。及戊戌年大同學校成立，鏡如爲協理，屢約總理陳少白楊衢雲梁啓超韓文學徐勤諸在文經二樓密商兩黨合作救國問題，頗具端倪，以康有爲從中作梗而止，鏡如每引爲憾事。辛丑年留東京學生沈翔雲戡元丞秦力山王寵惠馮自由等發刊國民報于東京，時日人對於留學界出版品取締頗嚴，故發起人欲得外商保護，藉免檢查。鏡如長？香港，掛名英商，故由馮自由商取乃父鏡如同意卽以「經塞爾」名義登記爲國民報之編輯兼發行人。國民報爲留學界提倡革命之第一種刊物。文經商店更爲橫濱興中會之出生地，是皆不

可以不紀。（馮自由按文經商店亦爲筆者呱呱之出生地）是店于甲辰年（民國八年）遭祝融之劫歇業。

臺灣興中會

興中會會員楊鶴齡有族弟名心如者，亦興中會會員也。乙未九月廣州失敗後，即赴臺灣臺北謀生，充任臺北永樂町美時洋行買辦。陳少白于丁酉年（民國十五年）至臺灣訪之，遂結識僑商容祺年吳文秀趙滿潮等數人，共同組織興中分會，惟因會員不多，未設會所，即以心如居宅充之。其後此地會員對於祖國無所表見，心如于民國後，留滯臺灣多年，從未返國，鄉人亦多莫知其消息。

橫濱華僑學校

橫濱華僑所設大同學校，自爲康梁黨徒包辦後，因專用粵語教授，及強迫耶穌教徒弟向孔子像拜跪，埠中三江幫商人及耶穌教徒羣起反對，遂有江浙派之郭外峯，耶穌教之趙明趙樂嶧琴李卓生關國義，中和堂之翟美徒楊少佳廖翼朋，中立派之鮑偉昭盧榮彬諸人，集資